

4.072



ANT. SANFELICII
CAMPANIA;

Illust^{mo} ac Rever^{mo}

D. JOSEPHO SANFELICIO,
Archiep. Consentino,
In Inf. Germ. Nunc. Apostol. &c.
dedicata.



BIBLIOTECA
ROMANA
VITTORIO EMANUELE

AMSTELEDAMI,
Typis IOANNIS BLAEV. 1656.

320

Illustrissimo ac Reverendissimo

DOMINO,

D. JOSEPHO

SANFELICIO,

ARCHIEPISCOPO

CONSENTINO,

S. V. B.

ALEXANDRO VII

PONT. MAX.

Inferioris Germaniæ

NUNTIO APOSTOLICO, &c.



Llust^{me}. ac Rever^{me}.

DOMINE,

Venit tandem
Campania vestra; non qui-
dem illa squallida ut modò,
inter tot suorum funera lan-
guens;

guens ; sed ut eam videre
tempora priora ; venit in-
quam delitiis affluens ; tum
agri amœnitâte , tum inge-
niorum sublimitate conspi-
cua : ornata aut potius de-
picta nativis Sanfeliciorum
penicillis. Ostendit illam
suis ac exteris magnus ille ,
magnorum virorum testi-
monio celebris , Antonius
Sanfelicius , propatruus ve-
ster ; quem non immeritò
Pliniis , Higinis , & Porciis
Catonibus non blandientia ,
sed vera coæquarunt Majo-
rum indicia. Subsecutus est
Nobilissimus Ioannes Fran-
ciscus Sanfelicius , supremi
in regno Neapolitano Con-
cilii

cilii Regens; eamque distra-
cto priori prælo novis de-
nuò Italicis typis ab obli-
viosa temporum lue vindi-
cavit. Sed, heu! alia modò
depaſta eſt, & depaſcitur il-
las Orbis delitias. Campa-
niam inquam, veſtram, in-
audita, & omnia conſumens
lues, ſquallent agri, ſola ſe-
det Civitas Regina ſine Po-
pulo; funera funeribus cu-
mulantur, nec flumina, nec
tabido ſinu terra ipſa ſparſa
paſſim cadavera valet ab-
ſcondere; quàm nec Anel-
liorum infana rabies, nec
hoſtium valuerunt arma
peſſumdare; hanc una ſter-
nit lues. o Campania! pe-

riiffes, nisi iterum Sanfeli-
ciana cura te orbi nostro re-
nascentem reddidisset. Pla-
cuit enim, Illustrissime ac
Reverendissime Domine,
benignitati vestræ illam Ty-
pis meis recusam Belgio no-
stro iterum ostentare; acci-
pe igitur conatus meos, te-
nues illos quidem, sed syn-
ceri obsequii veros indices;
meque Illustrissimæ Digni-
tati vestræ in perpetuum de-
votum habe. Amstelædami,
31 Augusti, 1656.

Illust^{me}. ac Rever^{me}.

Gratiæ Vestræ

devotissimus

I. G. F. B.

P L A V S V S

illustrium Scriptorum in
ANT. SANFELICIVM.

AGNELVS DE ROGERIO,

in Oratione cui titulus,

Neapolitanæ literaturæ Theatrum.

Loquor Antonium Sanfelicium, insignem illum ætatis suæ Chorographum, qui ob doctrinæ præstantiam alter Plinius dictus est, quem in oras Campania æmœnissimas intento videas defixum obtutu, metiri omnia graphice, altitudines montium, recessus vallium, amplitudines fluminum, camporum æquora, adjacentium undique locorum situm adeo culte venusteque describere, ut felicissimam dicas Campaniam, quod ita pulcræ Natura finxit, feliciorē fortasse quod Sanfelicium habuerit descriptorem.

IVLIVS CÆSAR CAPACIVS,
in Elogiis virorum literis illustrium.

Aemœnissima Italiæ pars Campania inter illustres scriptores Plinio & L. Floro virentiorem (ut qui patrium solum optime noverat) Antonium Sanfelicium Chorographum habuit. A puero mirifice terrarum cognitione fuisse delectatum, ipsemet testatur.

Sed

Sed satis fecisse arbitratus est, si Italicas urbes cum Higino & M. Porcio Catone, quorum labores periere, descripturus, unius modo Campania imaginem tota Europa exquisitam repræsentaret, quæ licet exigua in hac Orbis parte cernatur, maxima tamen cultis, doctisque coloribus effecta, eo felicior prædicatur quod Sanfeliciū habuit, quem nec videas

Fingentem immanes Lestrygonas, atque Cyclopas,

Sed amœna littorum, sinuumque placidos recessus, salubres aquas, vitium arborumque luxuriem, camporum felicitatem, oppidorum numerum nobilitatemque ita describentem, ut sua Campania præconio apud externos celeberrimus evaserit, & cum de illustrandis regionibus agitur, primus in litterarum consessum advocetur. Ad Plinii secundi uberem, sed brevem, facundiam accessit, qui Latine orationis copiam profundens, nunquam à rerum proprietate digreditur, unico versu historiarum volumina complexus. Epigrammatum scriptor elegantissimus, quorum uno in D. Agnelli Neapolitanorum templo pro Andrea Alexio elatus est, quantum suis potuisset Catullus gloriari:

Quæ miser imposui lugubria saxa sepulchro,

Mi pater, innumeris accipe pro meritis.

Quod si marmoream licuisset sumere formam,

Te natus tegeret non alio lapide;

Incisæque notæ legerentur; gratus Alexis

Reddidit ossa patri, sitque patri tumulus.








I

D E
O R I G I N E,
E T S I T U
C A M P A N I Æ.

AMPANIAM scribimus, situm, dimensionem, agri naturam, & antiquos in ea populos. Contexere cum his placet insignia illius ævi ædificiorum monimenta, quæ licet semidiruta, aspectu tamen cùm oculis, tùm animo grata sunt. Gratificandum duximus doctis, curiosisque viris, quos horum operum pervulgatum tota Europa nomen é longinquis allicit terris, quibus nostra hæc scripta quasi dux erunt ad ea pernoscenda.

A

da. Neque verò nobis vitio vertendum est, quod geographica eruditis tractata ingeniis scribere aggressi sumus. Non enim ego in orbis terrarum descriptione versor, sed in exigua ejus parte mihi nota, qui patrium sedulò peragravi agrum, ne incognita pro cognitis, neve pro veris falsa traderem. Id potissimum me Campanum hominem ad hoc suscipiendum munus excitavit, atque impulit, quod dum è geographis quidam dimetiendis cœli circulis, geometricæque incumbunt subtilitati, dum alii ad enarranda rerum miracula se occupant, & alii ad honestandam patriam sunt nimis intenti, ornandæ Campaniæ parùm studiosi fuerunt. Pudebat seminudam intueri parentem, meque illam oportere velare percepi; quod
si ele-

si elegantiore purpura (ut decet) non operietur, qualicunque poterimus stola contegemus. Verum enimverò non est ardui operis, quod pulchrum, quod bonum est, ornare laudibus. Quisquis enim ejus amœnitatem, cœli clementiam, soli ubertatem, maris, fluviorum, & lacuum norit commoda, Campaniam naturæ delicias non negaverit:

Hic ver assiduum, atque alienis mensibus æstas.

Bis gravida segetes, bis pomis utilis arbor.

Quod præconium, quamvis universæ Italiæ tributum videatur, non injuria tamen sibi illa vendicat, ubi nullo non tempore flores floribus, pomis poma, & fruges frugibus vernante semper, vel autumnante temperie succedunt. Bona pars ejus secundo feritur

A 2 semi-

4 *De origine, &*

semine, fert biferas arbores, fert
 vel trifero proventu vites, in qui-
 bus mira varietate, pars uvarum
 floret, pars defloruit, sunt turge-
 scentes, sunt acerbæ, aliis mature-
 scentibus, aliis jam maturis. Sug-
 gerit succiplena nutrix alimenti
 plurimum, neque modo suos
 fætus, verum etiam alienos inex-
 hausto alit ubere. Voco autem
 alienos, alumnas arbores, tum
 pecudes, quæ tametsi aliis, atque
 aliis è terris ad nos transmigra-
 rint, non aliam hîc vitam vivunt,
 ac in genitali solo, de quibus suo
 loco. Consultò autem in supe-
 riori carmine pro pecude substi-
 tuimus segetes, quum nobis non
 duplex ovium partus, ut Samnio,
 Lucanisque pastoribus pascua
 mutantibus, sed duplex volvente
 anno contingat sementis. Hæc
 in universum; nunc singula at-
 tin-

tingenda eo servato ordine , ut
primùm maritima , deinde per-
sequamur mediterranea.

TErræ Italiæ mediam longi-
tudinem transgressa Cam-
pania ad inferi maris oram recu-
bat. E cœli positione tempera-
mentum habet , quæ tantundem
propè ab Austrino recessit æstu ,
quantùm ad hyemes septentrio-
nis accessit , quod ad salubrita-
tem facit , bonumque humani
corporis constituendum habi-
tum. A Lire fluvio ad Sarni
ostium pertinet sexaginta pas-
sum millibus excurrente plani-
cie, quæ ab ipsa camporum laxi-
tate facta est Campania. Hi ame-
nes, ejus duò latera constituunt ,
hic ab ortu , ille ab occasu. Bo-
ream versus montibus cingitur
Samnites, & Irpinos excludenti-
bus,

bus, quartum verò latus mare possidet. Latitudo ejus varia, ut tamen, qua maximè panditur, triginta non excedat milliaria, quòd si totius ambitus subducatur ratio, colliget ad centum & sexaginta passuum millia. Liris ex Apœnino monte decurrens (geographorum ritu ab occidentali plaga narrationis facimus initium) in Sorânium primò se fundit agrum tenuis antè, quàm Fibreni fluminis ebibat aquas. Hunc multi existimant è Fucino superiore Marisforum lacu per emissarium, quod Claudius Cæsar fecit, occultis huc delabi venis, falsa opinione, quando M. Tullius longè antè ejus imperium de Fibreno meminit. Ab utriusque confluyente Liris torrentior ad cataraetam properat, præcepstque ruit. Præcipita-

capitatus impetum premit, sedatoque cursu abiens tanquam duarum arbiter gentium Latio fines præscribit, & Campanis. Minturnas Romanorum coloniam is olim dividebat Glanicus antea vocatus, dimidiatique corporis alteram nobis tribuebat partem, Latinis alteram. Ponte utraque ejus ripa jungebatur eo loco, ubi fluviali scapha trajiciuntur viatores. Minturnarum, quæ jam corruerunt, stat adhuc putre amphitheatrum, à quo non procul ductus aquæ conspicitur arcuatim procurrens. Post Minturnas Sinuessæ est hoc nomine dicta, quod sit in Sueffæ oppidi sinu. Sinope hæc prius vocabatur à Sinopensibus Ponticis colonis, quorum opus fuit. Emanant ejus in agro balneæ, quas memoriæ proditum est, mulierum

rum sterilitati succurrere. Per
Campaniæ litus vulgò prorumpunt
adversum morbos aquæ salutare,
non tamen omnes eadem facultate,
sed aliæ alia pro soli ingenio.
Plurimi enim refert, per quos
terræ meatus fluant, quæve
metalla in cursu alluant, unde
exuctas qualitates in affecta
constat transfundi corpora,
Plinius, qui in Latinorum numero
populorum Sinuessanos reponit,
audiendus non est, quippe magis
à vero aberrans quam Latinorum
finibus absit Sinuessæ. Latium
enim vetus à Tyberi ad Circæos
servatum est, indeque ad Lirem
novum, quod adjectum quoque
appellatur. A Sinuessæ est amnis
Savo, qui ex Aruncorum profusus
montibus Sidicinum, Stellatem,
& Falernum agros modicus interluit,
nullius brevi

brevi in curriculo auctus rivis. Sequitur Vulturnus triremium capax æque, atque Liris, quum utrique longius evagantes comites aquas abolitis earum nominibus secum ad mare ducant. Vulturni fons in Samnio est, qui, dum confragosa Samnitium percurrit loca, rapido fertur lapsu Venafrano tenus campo, unde vi repressa placidus continuat iter mediam secans Campaniam. Piscium copiosus est, vere in primis propter clupearum multitudinem, quæ huc ad tutum partum subeunt, gignitque formosos Lupos, sed in Samnio tantum. Deinceps Gallinaria est sylva mari præcincta, & Literno lacu, quæ civilibus bellis materiem fabricandæ Sex. Pompeji classi suppeditavit. Hanc latrociniiis infestam consecuta tem-

pora spoliarunt arboribus, quæ nunc iligna glande, & arbuscularum cæterarum foetu hyberniam venatoribus, pariterque aucupibus inescat prædam. Liternum Lacum quæstuosum facit mugilum assidua captura, sub dies præcipuè Halcyones, quod id temporis ejus fauces occlusæ arena fluctibus aggesta, piscatorum opera recluduntur prætentis prius retibus. Iuxta lacum stetit oppidum Liternum, cujus vel ruinæ perierunt, locus tamen ob majoris Africani memoriam in omne sæculum celebrabitur. Hoc sibi domicilium relicta ingrata patria delegit Scipio, quod ante obscurum illustravit vir ipse illustris non tam genere, dignitate, laureatisque fascibus, quam modestiæ, fortitudinis, patientiæque titulis. Hic ille cum philosophia

sophia reliquo vitæ tempore negotium habuit, & cum re rustica, triumphalique dextera laboriosum sæpe rexit aratrum. Huc adjacet Cumanus ager, Phlegreus Græce; Phlegra Thessaliæ valle, quum utrobique gigantum pugnam poëtæ vulgarint, illic contra Iovem, hîc cum Hercule ejus filio ex Hispaniis redeunte utriusque gentis ferociam hoc commento demonstrantes. Hæc latifundia Latini appellarunt Laborias, quæ duabus includuntur miliaribus, viis altera Cumis, Puteolis altera Capuam ferentibus. Sunt Laboriæ ea fœcunditate, ut vel cupidi agricolæ labori respondeant fructu, restibilesque nec stercorationem desiderent, nec intermissionem. A Cumæis, & Chalcidenſibus conditi sunt Cumani, qui ducibus Hippocle,

atque Megasthene ad quærendas
sedes profecti huc appulerunt,
Felicium fertilitate prædiorum
aucti cives eò progressi sunt
opum, ut Hetruscis Italiæ fere
imperitantibus parere recusantes
obviam ierint; eorumque frege-
rint impetum. Italiæ, Siciliæque
urbes Cumæ antiquitate præsti-
terunt, quarum miserandum (ut
ita dicam) cadaver quisquis a-
spexerit, non poterit non gravi-
ter affici. In rerum vicissitudine
urbs tanta versa est in caprilia, in
cujus loci tepore alsiosum id pe-
cus hyeme commode stabulatur.
In pelagus illa prominebat dex-
tra Neronis fossam, læva Ache-
rusiam spectans paludem. Vasto,
effrenique animo matricida fos-
sam ipsam instituerat Ostiam us-
que perducturus, quo sibi magiæ
addicto ad Avernales magicas
vanita-

vanitates expedita, tutaque semper pateret navigatio. Accedebat eò quod canopicæ Alexandrinorum fossæ cupiebat modulantes imitari choros, ut eorum exemplo inter fidicinum cantica iste citharedus, interque psaltrias ultro, citroque per derivatum vectaretur Tyberim. Irritæ temeritatis fossa, quæ nunc lacus marinus est remansit testis, quod nobis piscandi commoditate prospere cessit. Altera rursus Amyclano in sinu ab eodem inchoata fisci exhaustis thesauris destituta est maximo Amyclensium detrimento, fuit enim in causa, quamobrem vinum Cæcubum disperierit, cui principatum multi dederunt. Acherusia palus est inter Cumas, & Misenum, cui ferrugineo colore squalenti nomen à stygio Acheronte indiderunt.

derunt. Misenus promontorium de sepulchro Miseni Trojanæ classis tubicinis appellatur, cujus ossa hoc in monte insignium more virorum Æneas condi iussit, id honoris ejus tubę deferens. Hinc mare velut in æstuarium se fundens Bajanum efficit sinum, Romanis civibus magnopere expetitur. Etenim qui diutinis militiæ laboribus jactati fuissent, sive quem urbanæ ambitionis ceperat satietas, quive forum plurimasque alias urbis molestias ferre amplius noluisent, in hunc otii portum confugiebant, ubi animus post curarum fluctus subductis superbiæ velis, & pacatæ vitæ jactis anchoris seipsum colligeret, atque recrearet. Ægri- tudines hac via effugiebant; ægraque curabant corpora, edocti quæ balneæ, quibus mederen-
tur

tur morbis. Multis in terris medicamento si exiliunt fontes, qui in Liguria Statiellas, & in Narbonensi provincia Sextias aquas condiderunt oppida, nusquam tamen largius, quam hic, propinquisque locis, nec tam variis auxiliis adversæ valetudinis. Sunt his fontibus privata remedia, generatim vero senes fovent, & stomacho imbecillos, quartanaque febre laborantibus adsunt. His præterea in collibus sunt excavati cuniculi, quorum fervidus vapor noxios è corpore eliciens humores, non mediocres efficit utilitates. Valetudinis igitur gratia, & ob mercaturæ negotiationem Puteolis frequentissimo in emporio, loca hæc innumera hominum celebrabat multitudo. Regna Puteolana eam ob causam à M. Tullio dicta. Strabo hunc

hunc finum continuis ædibus ita excultum scribit, ut unius urbis offerrent aspectum, quod ex earum reliquiis facile perspicitur. Illiciebat etiam piscandi oblectamenta, tum è mari, maritimisque piscinis, tum è lacubus Lucrino, atque Averno. Lucrinenses voluptates erant præcipuæ, ubi ganeæ studiosi non modo altilium piscium, sed etiam ostrearum construxerunt vivaria, non contenti iis, quas copiose gignebat Lucrinus ob id ostreosus cognominatus. His de causis non minoris hîc publice, & privatim ædificabatur, quam in urbe, utque ad Tyberim superba erat Roma, ita hîc deliciosa. Vna in tot opportunitatibus gelida ad potum desiderabatur aqua, calidis dumtaxat fontibus hîc erumpentibus. Grandem idcirco
pecu-

pecuniam Romano ex ærario erogare necesse fuit, tùm in rivos fornicato opere perque actos in montibus cuniculos à quinto & tricesimo milliario deducendos, tùm in receptacula aquarum facienda non tantum ad Romanorum civium usum, sed etiam clarissimorum militum. Namque Senatus imperii, consulens securitati super omnia Italiæ, classem hoc in sinu in pyratarum excursionibus, & ad omnem navalis belli eventum habebat instructam inter orientis, occidentisque regna mediam. E cisternis illis duæ impensa magnificentissima incorruptæ ad nostram pervenerunt ætatem. Harum altera, in vivo Miseni lapide excisa, frigidas intra montis viscera servabat aquas, altera vero multiplici stru-ctilium pilarum versu, integro
adhuc

adhuc tectorio concamerationes
sustinet. Infra hanc ad litus late-
ritius tholos egregio assurgit o-
pere, qui (quantum conjectura
licet assequi) intus confidentibus
æstivos defendebat ardores, quo-
niam ad captandas auras latis
patet fenestrarum, & ostiorum
luminibus. Prope est Avernus
Lacus, Græce Aornos,

*Quod super hand ullæ poterant im-
pune volantes,*

*Tendere iter pernis, talis sese halitus
atris*

*Faucibus effundens supera ad con-
vexa ferebat.*

Exhalabat quondam diram me-
phitim, sed succisis postea, quæ
lacum ambiebant, densis sylvis,
ea pestis evanuit. Is nostra me-
moriam piscibus affluebat, qui nu-
per pluvii cineris amarore ad u-
num necati sunt. Eruperunt su-
perio-

perioribus annis è vastissimo terræ hiatu immensæ flammæ, flammisque commixti ingentes, innumerique lapides, qui postridie ejus diei in montem visu horribilem congesti visi sunt. In ea ignium tempestate aliquot balneæ obrutæ, planities Puteolis subjecta magna ex parte monte occupata, Avernus præter piscium cladem ad dimidium angustatus est, quin mare retrocedere fuit coactum, ut novam loci faciem, qui antea viderant, dederentur. Averni accolæ fuerunt Cimmerii gens rapto vivens grassans in eos, qui ad Avernalia Plutonis sacra contendebant. Ad hæc sacra, id est ad exercendam magiam huc ibatur, & ab inferis manes (ita prisca impii corpore exutas animas vocabant) ad vaticinationem exciendos. Magicæ
artis

artis professoris spectris quibusdam ita oculorum aciem perstringebant, ut ad cadavera sua manes evocari viderentur. Hujus necromantiæ studio Homericus Vlysses, è Circæa solvens insula, ad hos Cimmerios venit. Hos dico, nequis in Homeri carmine intelligat Cimmerios, qui alio in orbe Mæotim accolunt paludem, quam opinionem id excludit, quod ea navigatio unius fuit diei. Hic ergo Vlysses umbrarum fecit evocationem, humato prius Baja socio, unde Bajanus sinus, non ab urbe Bajis, quæ nulla fuit. Quod verò Avernales Cimmerii Scytharum Cimmeriorum cognomines fuerint, congruens inter eos vitæ ratio fecit. Efferatis erant utrique animis, utique illis à signiferi plaga longissime sepositis crassior aëris
cali-

caligo offunditur, ita hi obscuras inter Averni sylvas, tenebricosisque in specubus ad latrocinandum delitescabant. Medius inter Avernum & mare Lucrinus fuit; Romanæ reipublicæ ob maximam piscium capturam maxime vectigalis, qui supervenientibus undis, piscesque excludentibus à C. Cæsare objectis in mare mobilibus munitus est:

*Lucrinoque addita claustra,
Atque indignatum magnis stridoribus æquor.*

Hinc, atque illinc firmissimo septus muro Lucrinus & imperturbatos continebat pisces, & tutum subeuntibus velis præstat portum. Hunc sequens ætas oppressa republica Augusto adulans falso portum Iulium appellavit.

*Iulia qua ponto longe sonat unda re-
fuso.*

Non

Non enim Iulius de suo id opus fecit, sed à patribus missus faciundum curavit. Arcto spatio hilacus sejungebantur, quod ex eo conjici potest, nam utrumque Augustus parvo negotio media effossa tellure in unum confudit, ibique tota hyeme pugnaturus vere cum Sex. Pompejo remiges, classariosque exercuit milites pugnam meditantes. Stante Romana libertate Lucrinus munitionibus tutus oppugnantibus obstitit mari, qua everſa, quum nulli essent rerumpublicarum curatores, cessit pertinacibus undis. Hujus tyrannidis vindex fuit novus mons, quem memoravimus, qui mari ab injusta possessione repulso factus est alter loci tyrannus. E regione montis surgit collis in quo truncum apparet ædificium, quod Puteolani pro certo

certo habent Ciceronis fuisse Academiam. Huic opinioni fidem esse adhibendam ea mihi persuasit ratio, quod locus antiqui domini servat nomen, tum quod respondet topographiæ à Plinio factæ, quam ascribo: *Dignum memoratu villa est ab Averno Puteolos tendentibus imposita, litori celebrata porticu, & nemore, quam vocabat Academiam M. Cicero.* Hæc Plinius. Platonis æmulator non modo tractanda philosophia Arpinas ille esse voluit, sed Platonici gymnasii nomen in suam villam Musarum domicilium traduxit. Hinc factum est, ut gloriosis Græcis Atticam Academiam jactantibus Latini Puteolanam opponerent, & Tusculanum Lyceo Aristotelico, quibus è fontibus moralis philosophiæ manarunt rivi. Puteoli urbs à Samiis

Samiis posita Diccarchia prius fuit de regiminis æquitate, quòd in ea republica cives sine ullo census, ordinisve delectu, ambitionis, continuoque discordiæ fomite, ad regendam, servandamque patriam concedi charitate, parique inter se administrationis jure conjuncti essent. A Romanis dehinc colonis de parvis balnearum puteis Latinum impostum est nomen, quod est Puteoli. Hucusque Campani cives per Laborinos campos viam munierunt ad comportandos agrorum fructus, utque hinc peregrinas exportarent merces, quandoquidem celeberrimum (ut diximus) Puteoli emporium erat. Ipsa in via, quæ adhuc Campana vocatur, utrinque lateritiæ, reticulatæque structuræ se offerunt spectandas, quæ viatores tenent, pascen-

pascentes specie oculos eruditos. Spectatu quoque dignum est antiquum Puteolanorum amphitheatrum, circaque ipsum innumera ruinosa concamerato opere ædificia, quorum quædam subterranea sunt, perviaque inter se, tam perplexa tamen ostiorum ambage, ut absque duce, circumductove, fixoque funiculo, negetur exitus. Quare nos hujusmodi Labyrintheos anfractus Dædaliis relinquentes ingeniis, inceptum peragemus iter. Neapolim hinc proficiscentibus subeundus est clivus, cujus ad lævam situs est campus undique montibus sulphureum exhalantibus vaporem, circumdatus angustis ad-eundis faucibus. Intra eum aliquot in locis scaturigines altius uti fornacis calcariæ subditis ignibus ebulliunt, aspectu non
B minus

minus horrido , quam quæ in Ampsancti effervescunt Irpino-
rum valle. Vulcanium forum id
fuit antiquis, ubi sulphurea con-
flantur potioria vascula , quorum
usum lienosis prodesse, comper-
tum est. Post hos montes albi-
cant Leucogæi aluminosi colles,
à candore nomen adepti , apud
quos teste Plinio scatebant bal-
neæ oculis opem ferentes , &
vulneribus. Subjacet parvus la-
cus sterilibus omnino aquis ,
præditis tamen vi naturæ mira.
Est in proximo terræ spiraculum,
afflatu intus tabifico signum ha-
bens juxta fauces, quod non sine
vitæ periculo præterire licet.
Quodcunque animal id trans-
greditur procumbit illico semia-
nime , quòd si prius , quàm exa-
nimetur , his tingatur aquis , ad
salutem redit , facto in canibus
sæpe

sæpe periculo. Ea lacus parte ,
quæ spectat in meridiem, passim
rimis fatiscit humus alibi mino-
ribus , alibi majoribus , è quibus
jugiter evaporantes fumi poda-
gricis auxiliantur , præsentique
remedio contractos remittentes
nervos pristinis restituant vitæ
muneribus. Puteolani , atque
Neapolitani agri terminus est
Pausilypus mons, & promonto-
rium , qui Græca voce bonum
præ se ferens genium, rem nomi-
ni non habet disparem. Is præter
liberum Campaniæ , Picentino-
rum , maris , & insularum pro-
spectum, præterque vini laudem,
pomorum omne genus dives est,
beatior tamen in citreis magni-
tudine, & odore præcellentibus,
cibariisque uvis apiana, & dura-
cina. Loci hujus cum amœnita-
tem tum salubritatem adamasse

antiquos sumptuoso villæ cultu sunt testes , quarum in ruinis multæ effossæ inventæ sunt mutilatæ columnæ , tum quædam integræ pretioso è marmore maculis pulchrè distincto , quæ in sacrarum ædium ornamenta translata spectantur. Laboriosius olim ejus dorsum transcendebatur , quapropter ne à viatoribus superandum esset , ad ejus imum ferro milliaria crypta fuit aperta, pervio transitu ea laxitate, quæ adversa admittit plaustra. Vulgaris est opinio , authorem operis fuisse Lucullum, male fundata super M. Varronis verbis non recte intellectis , qui tertio de Re Rustica libro ait, Lucullum ad Neapolim perfodisse montem. Quòd si , qui ita sentiunt , subnexæ orationis expendissent contextum , hanc impensam ei non

non adscripsissent ex Strabone attribuendam M. Coccejo. Quod sequitur hoc est; *Ac maritima flumina immisit in piscinas, quæ reciprocè fluerent.* Hæc plane docent non spectare præcedentia verba ad transitum per cryptam patefactum, sed ad specus parvos oblongiores, quos ad Paulilypii caput cernere est, latere vergente ad orientem solem. Per eos enim cuniculos, æstuante sole, reciprocantes maris Euripi conclusos intra vivaria refrigerabant pisces. Asiaticam prædam in iis sumptibus consumpsit Lucullus, de qua gaza profusa Xerxes togatus à Pompejo dictus. Neapolis ex Plinii historia Chalcidenses habuit conditores: quod verò scriptum Strabo reliquerit, primos colonos fuisse Cumanos non continuò dissentit ab eo,

quum à Chalcidensibus fuerint propagati Cumani. Primum hæc Parthenope à Sirenis tumultu fuit, mox (quæ loci est opportunitas) novæ coloniæ accepit incrementum. Novis civibus non placuit, cum veteribus tecta conjungere, sed in propinquo loco confederunt, hæcque fuit Neapolis, rursus Parthenope versa est in Palæpolim. Ignota hæc Solino fuerunt, qui ab Augusto coepisse dici Neapolim, scribit, quasi verò Augustus fuerit ante Ciceronis ætatem, apud quem sæpe Neapolim legas. Hæ duæ urbes unis claudebantur mœnibus, quæ postea utrinque auctis tectis in unum coaluere corpus. Per Sirenum verò fabulam loci hujus deliciosæ notantur illecebræ ad otia invitantes, ad quæ nata fertur Neapolis. Molli sanè
otio

otio animum corrumpi, dubium non est, contraque literarum, & studiorum perfici exercitatione. Id noscentes docti modestique viri, Sirenum cantibus occlusis, auribus otio non abutentes, & suæ famæ consuluerunt, & posteritati. Quàm debet humana vita agricolarum magistro, à quo docti sumus:

Quid faciat lætas segetes, quo Sydere terram

Vertere conveniat?

A quo præterea didicimus,
Ulmis adjungere vites.

Neapolim verò illum hæc canentem coluisse, quis dubitet?

Illo Virgilium me tempore dulcis aiebat

Parthenope.

Palladius quoque hîc agens de eadem re rustica præcepit, deque citreorum cultu, quæ primus

ipse demonstravit Italiæ. Non sunt prætereundæ Sylvæ Neapolitani vatis, quæ perpetuo comarum honore adhuc virent, sæcula vincentes. Ager hic fœcundatur Cerere, Baccho circumpositi colles, hortis vero exornantur suburbana directis in quincuncem pomorum ordinibus. Græcorum carmina Alcioni Phæacum regis pomaria, & in Africa Hesperidum aurea mala magnifice cantarunt. Quid si poëtæ illi tantas arborum Mædicarum hîc vidissent sylvas? Hæc tamen nostri, & versibus, & soluta oratione laudibus sunt profecuti, quippe quæ malum ferant præsens venenis antidotum;

*Quo non præstantius ullum,
Pocula si quando scævæ infecere no-
vercæ.*

Miscue-

Miscueruntque herbas, & non innoxia verba.

Auxilium venit, & membris agit atra venena.

Multiplicis hæc mala generis colore ad aurum inclinato; sed his verbis, si Macrobio credimus, commendatur Citreum, cujus potissimum mali comesa semina, tum interior acida caro haustis adversantur venenis, simul & oris emendant graveolentiam.

Animas, & olentia Mœdi

Ora fovent illo, & senibus medicantur anhelis.

Huc nos, quò hæc remedia manifesta fierent, digressi sumus: nunc ad id, quod restat, itineris. Suburbium, quod secundum litus est, Sebethus alluit fluviolus ne lintrium quidem patiens, non tamen inglorius sub nomine Sebethidis nymphæ decantatus.

Sunt qui malint per nympham Sebethida significari aquam, quæ pensili rivo influebat Neapolim, quod geminatus indicat ductus ad Ianuariam portam. Sebethum duo sequebantur memoria Herculis insignia oppida, Herculanium, & Pompeji, quæ incendiorum injuria versâ sunt in vicos. Literis proditum est, Herculem, debellatis Hispaniis, Gerionis regis pulcherrima boum armenta in Bajanum sinum exposuisse, ibique inter Misenum, & Avernum ipsas caulas vallasse. Locus is de boum caula fuit primum Boaula, mox, ut vox ipsa dulcius sonaret auribus, facta est Bauli. Deliciarum hic erat locus, quo, paulo ante Romanæ reipublicę excidium, multi navigabant ad spectandas insanas in mari substructiones, atque loculatas

culatas (Varronis utor verbo)
maritimas piscinas. Inde dux
Græcus, in patriam rediturus, Pi-
centinos versus discedens castra
ad montem Vesuvium locavit,
ibique constructis tectis, & a-
gro, quem occuparat, viritim
diviso, copiarum partem man-
cos, belloque invalidos reliquit.
Hæc fuit Heraclea Græcis colo-
nis, post Herculanium Latinis.
Posito oppido castra ad octa-
vum lapidem promovit, quo in
itinere triumphalibus vectus est
insignibus, bobus ipsis in morem
captivorum bello ducum præ-
euntibus. Quumque ad flumen
Sarnum ventum esset, confedit-
que, alteraque ibi moenia vetera-
nis militibus extruxit, quæ de
triumphali illa pompa fuerunt
Pompeji. Heracleensis ergo,
Pompejanique populi idem fuit

ortus eorundemque par fuit vitæ
occasus. T. Vespasiani princi-
patu Vesuvium montem utrique
oppido imminentem conflagra-
se constat, eque media ejus vo-
ragine tantas erupisse flammæ,
ut ad Ægyptum cineres perve-
nerint. Late vagantes ignes,
sylvas, arbuſta, caſas, ædes, &
quicquid fuit obvium abſumpſe-
runt, liquatis quoque ſaxis, quæ
inſtar ferreæ ſpumæ miſerabilem
illam teſtificantur calamitatem.
Haustum eo incendio Hercula-
nium, Pompejanos vero, in ſce-
nicorum ludorum ſpectaculo
confidentes, repentinus lapidum
ſepelivit caſus, uniusque theatri
cavea facta eſt totius civitatis
urna. Cæterum mons ipſe, quem
tanta vaſtitas inviſum antiquis
fecerat, rependens fructu illata
damna, invenit apud poſteros
gra-

gratiam. Cineris quippe calore hæc affecta plaga magnam nobilitandis vinis vim accepit, è quibus id, quod Græcum cognominatur, reliquis Italicis præfertur. Hoc meracum in patria sumptum caput tentat, veruntamen si navigio transvehatur, fluctibus jactatum vi domita mitescit, fitque suavius; quod utinam homini usu veniret. Amplissima arbusta, quibus cingitur, escarias uvas, præter vini copiam fuerunt, quæ ad multam hyemem de arboribus pendent. Idem tribria cotonea, pauloque minora pyra, sorba, mespila, sylvestria arbusta, cæteraque ferotina mittit munera, in quibus excellit juxta, ac Puteolanus ager in præcoci- bus pomis. Hæc est maritima Campaniæ ora, gemino definita litore, Sinuessano scilicet, quod

à Lire tendit ad Misenum, & Neapolitano, quod à forma Græci appellarunt cratera, Miseno, & Atheneo promontoriis circumscriptum. Ea sinus hujus est apricitas, ut vernæ insitiones semestri spatio autumnî donâ proferant lætissimè. Nulla est pomiferarum arborum (de notis terris loquor) quæ hîc non proveniat, & quidem feliciter præter unam, & alteram Syriæ peculiâres.

Litore perlustrato, exquiremus interna ab occidentali exordientes latere, ut priore factum est volumine. Principium Vestinæ damus, quippe primo in hac serie oppido. Ejus ager erat Minturnensibus affinis, cujus extremus saltus Falernum contingebat agrum, quo in confinio à Ponticis colonis fuit posita Sinope,

nope, de qua meminimus. Hi Vestini (est & Vestinorum regio ad mare superum) civium prodicione ab Romano hoste capti funditus deleti sunt. Cum Vestinis stetit pariter vicina Urbs Aufona, & cum ea pariter decubuit. Aufoniæ tamen non exolevit nomen duraturum in omne Italiæ ævum : quæ ab illa est cognominata Aufonia. Magnæ Græciæ oram antea tenuerant Aufones, cui rei argumento est mare illud cognomine Aufonium. Inde, sive armis pulsî, sive ea sedes huic fuerit posthabita, in hanc Campaniæ partem commigrarunt, omnemq; subegerunt regionem, quæ à Lire pertinet ad Campanum pontem. Aufonum stirpis est vicina huic agro, Sueffa cognomento, Aurunca ab Auruncis, qui invadentibus finitimis,

mis Sidicinis huc destituta patria confugerunt. Fuit altera Sueſſa Pometia Volſcorum, quam Pontina palude ferunt hauſtam. Noſtra Sueſſa vivit arduo eminens in colle, quem plurimi inferiores circundant vicis frequentes, vitibus amiſti, atque oleis, quarum baccæ conditæ maxime probantur hodie; antiqui tamen Sidicinas, & Picenas prætulerunt cunctis. Qui magis editi ſunt montes habent caſtaneta, ubi rei pecuniæ periti ſuilli pecoris greges hyeme ante glandium paſtionem ſaginare inſtituunt, ad ſuccidias longe iis meliores quas ſolæ glandariæ mittunt ſylvæ. Sunt nunc Sueſſanorum à Veſtinis quondam, & Auſonibus poſſeſſi fundi, quos limus montanis è locis in imbribus deſluens feraciores reddit ea ratione, qua pro
inun-

inundantis Nili incremento
frugibus cumulatur Ægyptus.
Theanum quoque cognomine
Sidicinum (habent & Apuli
suum Theanum) Aufonum est
gentis, cujus ager eximiæ est fer-
tilitatis ; non longe à Theanensibus
sancti Felicis oppidum di-
stat, vetustissimus Sanfeliciæ Gen-
tis Dominatus , longè lateque
patens ; veruntamen qui prius
unam locupletabat civitatem,
hodie, & Theanensibus, & mul-
tis circumpositis castellis rerum
suppeditat copiam. Antiquis
Theanensium everfis monimen-
tis structilis superat canalis , cu-
jus jugi rivo oppidi plateæ tum
portæ salientibus ornantur, &
lacubus. Eadem aqua ad irrigan-
dos olitorum hortos derivatur,
singulari donatos à natura mu-
nere, apio capitato, quod foven-
do

do stomacho , halituque oris commendando cunctis antecellit oleribus. Hinc ad quartum lapidem recesserunt Caleni , sed de via , quæ Cales ducit , divertendum est , ne Casinates , & Venafrani seorsum positi prætermittantur. Casinum ad Latinam appositum viam M. Varro Samnites tenuisse prodidit , quod ad possessionem vi partam , non ad progeniem referemus , quum verisimile sit Casinates , aut Ausonum , aut Latinorum (sunt enim inter utrosque medii) prolem esse. Est ager Casinas olei feracior , quam frumenti , magnumque vectigal ex eo capiunt comportantes in Latium , oppidaque Samnitica. Labitur per hunc agrum flumen Vinium , ad cujus ripam M. Varronis fuit Musæum , cujus rarissimæ villæ elegans,

gans, artificiosaque forma in ejusdem authoris contemplanda scriptis legentis animum non parum oblectat. Quod vero tradit Strabo novissimum hoc esse Latii oppidum, occupantium vim armorum intelligimus, non publicam, juridicamque possessionem, alioqui Latinorum fines confunderentur, atque Campaniæ. Ad Casinatium arva adjunguntur Venafrana, quæ in Campaniæ angulo ad Samnites se proferunt, à quibus, interfluente Vulturno, separantur. E montis clivo Venafrani suas prius despiciebant spatiosas possessiones, ad quas commodioris culturæ gratia descenderunt, largo insuper invitante fonte, jam collapsò veterè ductu, qui à Vulturni capite ibat. Hæc æquora ad sexaginta amplius stadia explicantur aratori-

toribus bona, bona pastoribus, quæ montibus in theatri prope-
modum figuram inflexis cin-
guntur. Montium imæ partes,
appositique tumuli olivis con-
vestiuntur glareosa terra gau-
dentibus, & meridiano sole,
quarum oleo ob purum succum,
palmam, ut ait Plinius, unguen-
ta dederunt. Sed jam, unde de-
flexit, regrediatur oratio. Cales
Aufonum oppidum Latinæ ad-
jacet viæ, cujus nobilitatis indi-
cio sunt marmoreæ ibi reliquiæ.
Caleni antiquitus in aurea Itali-
carum urbium libertate, habe-
bantur in populorum nobilium
numero; de quo dignitatis gra-
du Romanorum armis dejecti
sunt; actusque de iis in urbe
triumphus ingenti comportata
præda. Stellatis ager Calenum
attingit, atque Falernum, qui
est

est à saltu Vestino ad Vulturum. Celeberrimus hic tractus duo præcipua vitæ bona possidet, in collinis vina, frumenta in campestribus; ut non minus vere, quàm lepidè sit dictum, in Campania Liberi & Cereris esse certamen. Per Falernas segetes cursum Appia inflectebat via, quæ sexto & decimo stadio à Campano ponte Latinam viam excipiens, pergebat Brundisium. Hæc est Ausonia occidua Campaniæ regio, cujus ex adverso trans Vulturum sunt Osci, duas in partes divisa Campania cisvulturnanam, & transvulturnanam. Oscorum, quæ vetustissima est Italiæ gens, caput erat Capua, cujus nomen ad Trojanorum ducem Capym quidam revocant:

*Et Capys. hinc nomen Campanæ
ducitur urbi.* Non

Non urbis conditor Capys (legimus enim , & Oſcam , & Vulturum prius vocatam) ſed amplificator fuit M. Varro ad campeſtrem retulit ſedem, Strabo ad rem ipſam , quod caput eſſet Campaniæ. Is quinto Geographiæ libro ſic ait : *Quum autem urbes duodecim in Campania forent, Capuam perinde , ac illarum caput nominarunt.* Huic concors M. Tullius, quum in Rullum oraret cauſam, hæc de hujus excellentia urbis verba fecit: *Romam in montibus poſitam, & convallibus, cœnaculis ſublatam, atque ſuſpenſam, non optimis viis, anguſtis ſemitis præ ſua Capua planiſſimo in loco explicata , ac præ illis ſemitis irridebunt , atque contemnunt.* Agros vero Vaticanum, & Pupiniam cum ſuis optimis atque uberibus campis conferendos ſcilicet putabunt. Oppidorum autem
finiti-

*finitimorum illam copiam cum hæc
per risum, ac per jocum contendent,
Labicos, Fidenas, Collatiam, ipsum
Herc'le Lanuvium, Arritiam, Tru-
solum cum Calibus, Theano, Nea-
poli, Puteolis, Cumis, Pompejis,
Nuceria comparabunt. Hæc ille.
Ad id fastigium per fructuum
magnitudinem, rerumque om-
nium affluentiam ascenderat.
Campanus quippe ager opimus,
orbisque terræ pulcherrimus ab
omnibus celebratus est, de quo
Poëta, quum felicitis terræ signa
indicasset;*

Talem dives arat Capua.

Opulenta erat, quum ille Geor-
gica canebat, nihil tamen ad il-
lam Capuam, quæ ad immorta-
lem sui memoriam publicorum
operum erexit spectacula. Ex-
tant ex iis duæ amphitheatri mo-
les opere Dorico tam vastæ, ca-
que

que architectura ; ut nemo sit ,
qui primo eis aspectu non obstu-
pescat, nam quamvis immanium
barbarorum ferro , incendiisque
lacera & corrupta , triumphan-
tis tamen urbis repræsentat ima-
ginem. Non longo hinc inter-
vallo non tam effulso sumptu, sed
absoluta itidem arte visitur tri-
bus porticibus amplissima cryp-
toporticus, quæ tam longo ævo
contra vim temporis resistit. Ad-
scripsissem integra , ni rimis fati-
scerent parietes , neve testudines
stillicidiis essent obnoxix ; di-
guum profecto opus , quod sar-
tum tectum locetur. Animi cau-
sa huc Campani patritii ad an-
te-meridianam inambulationem
conveniebant, pomeridianasque
sessiones , ubi otiosas diei horas
quavis cœlis exclusâ injuria tran-
sigeant. Circa hæc loca aratro
passim

passim eruuntur prisca æris, argenti, auri pulcherrima numismata, tum doctissimorum manu artificum sculptæ gemmæ, parioque è marmore elegantissima signa præstantissimæ civitatis deliciae. Ostorum quoque gentis sunt confines Calatini, atque Acerrani. Trebula quoque Ostia fuit, Sueffula, Atella, & clarum historiis Casilinum, de quo primum agemus. Id secundo bello Punico Italicæ virtutis fuit specimen, ubi exigua militum manus post Cannensem cladem, non territa calamitosa Romanorum fortuna, insolentioribus Pœnorum copiis tanta animorum constantia obstitit, ut in summa cibariorum inopia, lora, detractasque scutis pelles fervida mollitas aqua mandere cogerentur, multis inedia enectis. Vulturnus

Falernum agrum à Campano disjungens Casilinum intermeabat, quod ad sulcos redactum est. Post Tifata montes, qui non procul aberant à veteri Capua, quique Samnium versus Campanis fines statuunt, & Calatinis, montana est Calatia, supra quam, seorsum tamen, ingens quadrato saxo surgit opus, quod rupis faciem oculis offert, ferruminato nexu lapidibus aptè inter se co-hærentibus. Hæc fuisse antiqui oppidi mœnia sunt qui dicant, quos ego non sequor, opinorque cives per ea tempora habitasse, ubi adhuc habitant. Argumento mihi est perennis aqua, influens subterraneo rivo in cisternam veterem, quæ in oppidi est umbilico, ipsaque aqua per æstivos menses ob innoxium frigus civibus gratissima est. Addo etiam testi-

testimonium superpositæ ibi
marmoreæ tabellæ, in qua hoc
incisum est epigramma,

M GAVIVS T F

Q VISELLIVS Q F

GALLVS

DVOVIR QVINQ

CREPIDINES CIRC

FORVM SP F. sua pe-

cunia fecerunt. Si ergo hîc erat
forum, continuo, & oppidum,
nunquam foro mœnibus exclu-
so. Habent hi colles olea dist-
incta oleastris, quorum baccæ
non carne, sed liquoris dulcedi-
ne commendantur. Citra Tifata
apertis in campis stetit Trebula
pari inter Capuam, & Sueffulam
intervallo, quæ jam æquata solo.
Ejus desertam sedem quum per-
scrutarer, inveni ab humo modi-
cè extantia theatri vestigia. Du-
ce opus fuit ad locum inquiren-
dum,

dum, quem Livius tertio, & vicesimo historiarum libro nobis ostendit: *M. Marcellus* (inquit) à *Canusio Calatiam* petit, atque inde *Vulturno amne* trajecto per agrum *Satriculanum*, *Trebulanum*que super *Suessulam* per montes *Nolam* pervenit. In Livianis autem codicibus, quos mihi videre contigit, *Trebianum* pro *Trebulanum* scriptum legi, quod mendum correximus eadem ex historia; nam idem author alibi juxta *Capuam* *Trebulam* nominat, non *Trebianam*. Hoc etiam confirmant geographicæ *Ptolemæi* tabellæ, quæ arithmeticis notis, mensuræque ratione propius *Capuam* monstrant *Trebulam*. Fundi ubi ea stetit, ut loco, ita messium fecunditate sunt *Campano* agro proximi. *Atella*, quæ in vicos abiit, non venit in dubium,

bium, ubi ceciderit, nam oppidi
fitus eminet, quem depressa am-
bit fossa, vivitque ibi ejus no-
men. Romani, propositis præ-
miis, arte pollentes scenica hinc
accersebant, eorum facetis dele-
ctati fabulis, ut tamen solutiores
jocos Latii severitate tempera-
rent. Tanti autem Atellanios
fecere mimos, ut Ennium ferant,
gratiam à Romanis inire cu-
pientem, Oscan didicisse Lin-
guam, gloriarique solitum se tria
habere corda, quod Latine,
Græceque sciret, simul & Osce.
Adhuc his in locis histrionia vi-
get quasi per manus tradita, quæ
in sacris fere usurpatur exodiis.
Atellana quoque prædia rerum af-
fluunt copia, quippe vicina Cam-
panis. Acerræ palustris gravitate
cœli jam à priscis sæculis sunt in-
frequentes, infestante Clanio flu-
mine, qui

Vacuis non æquus Acerris.

Agri bonitas invitos retinet cives. Est enim tum frumentarius, tum pascuus, gramina majori pecori Ægyptiis maxime bobus abundè suppeditatus. Hæ boves secundo abhinc, tertiove sæculo novæ incolæ fuerunt Italiæ, hodie nostrates habentur, quibus nos à patria excogitavimus nomen. In Ægypto liquidem hæ pecudes rem pecuariam plurimum augent, herbido semper solo ad multivaga Nili flumina, in quæ impatientes æstus subinde se mergunt, capite duntaxat extantes. Quis verò non miretur hoc tam grande animal è cicurum genere, tamque fructuosum (quavis enim anni parte ad multatram hæ boves veniunt) antiquis scriptoribus & nostris, & Græcis fuisse ignotum, iis potissimum,

simum, qui in profundo pisciculorum naturam curiosius conquisiverunt. Quod vero dicunt aliqui hoc Plinio esse bubalum, quam recte hi sentiant, facile apparebit, si utriusque animantis descriptio animadvertatur. Finitimæ Sueffulæ pascua eadem armenta invitant simili ratione, gramine semper vestitis campis. Oppidum ipsum interiit, relictum à civibus, qui, eadem cæli intemperie circumfusus, Clanii aquis obsidente palude, patriis coacti sunt excedere laribus. Portentoso hæ aquæ sunt auctu, quæ æstivo in calore præter cæterarum morem redundantes, decrescunt per hyemem. Fuit Sueffunorum ea vallis, quæ ad Caudinas protenditur furcas, persicis arboribus tota confita, tum cerasis, quarum poma adeo

proba sunt, ut Persæ & Cerasuntii à nobis potius petiisse, quam ad nos misisse videantur. Sueffulanum agrum excipiunt Nolanorum populeta, multiplicis generis amicta vitibus, quæ vina fundunt *tum hybernis poculis lenia, tum æstivis excitando stomacho subaustera*. At hi cives non eum fructum è frumentis capiunt, quem è generoso palmitate ad æstiva semina magis idoneo loco, quam ad hyberna; quocirca arbutis potius, quam arvo student. A Vesuvii conflagratione de sparso cinere pumiceisque lapillis id accidisse existimandum est, alioqui ager hic cum Capuæ latifundiis non conferretur, neque audire meruisset,

Talem dives arat Capua, & vicina Vesuvo

Ora jugo.

Nemo

Nemo loci gnarus non videt hoc carmen spectare ad universum tractum circa Vesuvium. Nota erant loca hæc Poëtæ, qui Campaniam diu incoluerat, incolebatque quum Georgica mandaret literis. De Nolanorum vero origine varia est opinio, quos alii Tyriorum sobolem, alii Chalcidensium prodiderunt. Ptolemæus id oppidum nobis ereptum in Picentinos retulit, idque non modo præter jus, verum etiam præter definitos à se Campaniæ terminos. Quasi vero Geographis positos à se regionum limites & contrahere liceat, & proferre, regum exemplo, qui ad suum arbitrium leges figunt, atque refigunt. Nolanis conter-

qui cum Turno adversus Latinum, & Æneam conspiraverant:

Et quos maliferæ despectant mœnia Bellæ.

Quo in nomine, ad vitandum ex vocalium concursu hiatum Poëta primam detraxit literam, & pro Abellæ, dictum est Bellæ. Quod si nominis inspiciatur vis, Bella non Abella dicetur, id est bona. Ager enim Abellanus multis est accumulatus bonis, oleo in primis, cujus maxima laus est, quod ei vetustas tædium non affert, tum vino, pomisque omne genus suavissimis, frumento non item, ut tamen minutas fruges ferre non recuset. Habet glandiferas sylvas, copiosus est castanearum arborum, quæ suas nuces ad transmarinas mittunt provincias, quæstiuosa permutatione palmarum, & piperis. Addantur ad
vena-

Situ Campanie. 59

venationem, corporisque exercitationem, caprearum, & apro-
rum repleti saltus, tum gelidi
passim, salubresque fontes; &
quod his omnibus majus est, vi-
get in hac temperie longæva se-
necta. Hæc est orientalis Cam-
pania, Sarno terminata flumine,
cujus aquæ nos à Picentinis diri-
munt tam pigro labentes motu,
ut utro fluant, nescias.

*Tibi, Deus æternæ atque omnipotens,
immortales ago gratias, cujus
Numine, & ope Campa-
niam scripsi.*

INTERPRETATIO NOMINUM hujus Chorographiæ.

A

A BELLA
Acerræ

Acherusia palus

Amyclanus sinus

Amphitheatrum Ca-
puæ

Ampfanti vallis

Atella

Avernus lacus

Aufona

Avella.

Acerra.

La Coluccia.

Il mar de Sperlonga.

Li Borlasci di Capua.

La valle de Frecento.

doue è hoggi S. Arpino.

il lago di tre pergole.

*già desolata nel piano di
Sessa.*

B

B Ajanus sinus
Bajuli.

il mar di Baja.

*Bacola, loco nel lido di
Baja.*

C

C Ampania
Campana via

Terra di Lavore.

*Campanola nel territorio
de Pozzuli.*

Calatia

Gaiazzo.

Cales

Calvi.

Capna

Capua.

Casilinum

*Castelluccio, un certo ter-
ritorio tra Capua, e la foce del Volturno.*

Casinum

San Germano.

Cisterna Miseni

grotte Dragonara.

Cister-

Cisterna Avernī

Cryptoporticus

puz

Cumæ

Ca-

piscina mirabile.*le tre grotte che sono vicini a li Borlaschi.**Cuma, si vedeno le rouine.*

F

F Alernus ager

il territorio, che è da la Rocca di Mondragone sino al Voltorno.

Fibrenus fluvius

il fiume de la Posta.

Fossa Neronis

Licola.

Fucinus lacus

il lago di Fucino, ò de Celano.

Furcæ Caudinæ

ove hoggi è Arpaja.

G

Gallinaria sylvæ

la peneta di Patria.

H

Herculanum

fu, doue è hoggi la torre del Greco.

I

I Rpini

li popoli, che sono meze tra la valle Beneventana, e la Basilicata.

L

L Aboriæ

il territorio del Gaudio, si dice anche per altro nome Latino, Laborini campi.

Lencogæi colles

la Lumerà.

Liris fluvius

il fiume di Patria.

Liternus Lacus

il lago di Patria.

Liternum

Città desolata, il loco si dice Patria.

M

M Agna Græcia *la Calabria soprana.*
 Minturnæ *fù, doue è hoggi la scafa*
del Garigliano, de la qual se ne vedeno le reli-
quie.

Misenus mons

Miseno.

N

N Eapolis
 Nola

Napoli.

Nola.

P

P Aufilypus mons
 Picentini
 Pompeji

Posilipo.

La costa d' Amalfi.

la torre dell' Annuntia-
ta.

Portus Iulius

era esso lago Lucrino.

Puteoli

Pozzuoli.

Puteolana crypta

la grotte passante, che è
tra Pozzuoli, e Napoli.

S

S Amnium

Apruzzo, unde Sam-
nites.

Sarnus fluuius

il fiume di Scafati.

Savo fluuius

il Saone.

Sebethus fluuiolus

il fiume de la Madalena.

Sinuessa

la rocca di Mondragone

Stellatis ager

il territorio di Carinola,

il qual confina con il territorio di Thiano, e la
Rocca di Mondragone.

Suessa

Sessa.

Suessula

fù, doue è la torre detta
di Sessola.

T.

T Ifata montes

li monti sopra lantica Ca-
pua.

Theanum

Thiano.

Thelus

Tholus Bajanus

il Fruglio di Baja.

Trebula

*su tra Capua, e Sessola,**ove appajono li vestigii del theatro.*

V

Venafrum

Venafro.

Venafri campi

il piano di Venafro.

Vestina

fu nel piano di Sessa.

Vinius fluviolus

il fiume de S. Germano.

Vulcanium forum

la Solfatarà.


Vulturnus fluvius

il Voltorno.

Vulturnum

*Castello à mare del Vol-
torno.*

F I N I S.



AUTHORIS
EPIGRAMMA
DE CAMPANORUM
AMPHITHEATRO.

Immane[m] quisnam mole[m], quis grandis
saxa
Æquavit cœli nubibus aligeris?
Montibus impositos montes quæ deinde
ruina
Dejicit è cœli nubibus aligeris?
Celsa giganteis manibus fabricata superba
est
Machina, forma tamen Dædaleo ingenio.
Mirati sunt Græci impostum Pelio Ossam,
Impia gens superis quum fera bella ciet.
Hoc opus egregium miretur Græcia, summo
Quod vicit rupes vertice Thessalicas.
Auricomus nunquam Phœbus spectavit Eoë
A Gange ad Gades, Herculeumque mare.
Campani hîc plausere olim juvenesque se-
nesque,
Et festo resonant alta Tifata sono.

FINIS.

